

Cofnodion cyfarfod cyffredin **CYNGOR TREF RHUTHUN** a gynhaliwyd yn Neuadd y Dref, Rhuthun, nos Lun, 26 Tachwedd 2018, am 7:00pm.

**PRESENNOL:** Y Cynghorydd Ian Lewney (Maer), Gavin Harris (Dirprwy Faer)  
Y Cynghorwyr Keiran Allsopp-Robson, Stephen Beach, Ken Hawkins,  
John Wynne Hughes, Menna Jones, Robert Owen-Ellis, Anne Roberts,  
Dave Snape, Heather Williams, Ifan Wyn ac Emrys Wynne.

**127. YMDDIHEURIADAU AM ABSENOLDEB**  
Nid oedd unrhyw ymddiheuriadau am absenoldeb.

**128. DATGAN BUDDIANNAU**  
Gwnaeth y Cynghorydd Gavin Harris ddatgan budd personol yn Eitem 13 – Dyfodol Rhuthun 2.

**129. ADRODDIAD Y MAER**  
Adroddodd y Maer ei fod wedi bod yn y digwyddiadau a ganlyn.  
05.11 Cyfarfod arbennig y Cyngor ynghylch yr Hen Lys  
11.11 Gwasanaeth Sul y Cofio ac agoriad swyddogol yr Ardd Gymunedol gyda'r Cadetiaid Awyr  
17.11 Agor Ffair Grefftau'r Inner Wheel yng Nghanolfan Awelon

**107. ADRODDIADAU'R AELODAU**

Cyng. Gavin Harris (Dirprwy Faer)	Hydref: Cyfarfod yn Eglwys Sant Pedr ynghylch Cofeb '18, gosod y goleuadau ar y gofeb gyda'r Cynghorydd Snape, gosod arddangosfa Cofeb '18, cyfarfod Partneriaeth Twristiaeth Sir Ddinbych, cyfweiliadau ynghylch Cofeb '18, cyfarfod Tîm Tref Taclus, noson Cofio yn y Tabernacl, siaradwr gwadd yng nghyfarfod blynyddol y Gymdeithas Ddinesig ynghylch Dyfodol Rhuthun, ffilmiau codi arian Cofeb '18 Tachwedd: Cyfarfod arbennig y Cyngor, cyfarfod Is-bwyllgor Staffio, cyfarfod gyda Judith Greenhalgh, Prif Weithredwr Cyngor Sir Ddinbych ynghylch Dyfodol Rhuthun, Gwasanaeth Sul y Cofio, cyfarfod yr Is-bwyllgor Staffio, cyfarfod Tîm Tref Taclus a gwahanol gyfarfodydd ynghylch yr Hen Lys.
Cyng. Keiran Allsopp-Robson	Cyfarfod chwarterol Cymdeithas Cynghorau Lleol Gogledd a Chanolbarth Cymru yn y Trallwng, ymweliad Llywodraethwyr i Ysgol Stryd y Rhos, cyfarfod arbennig y Cyngor, gwasanaeth Sul y Cofio ac yna agoriad swyddogol yr Ardd Gymunedol a chyfarfod Llywodraethwyr Ysgol Stryd y Rhos.
Cyng. Stephen Beach	Cyfarfod chwarterol Cymdeithas Cynghorau Lleol Gogledd a Chanolbarth Cymru yn y Trallwng, cyfarfod arbennig y Cyngor, cyfarfod yr Is-bwyllgor Staffio, lansio arddangosfa Cofeb '18 yn Eglwys Sant Pedr a'r Ganolfan Grefft, gwasanaeth Sul y Cofio a chyfarfod Gwarchod Cymdogaeth Gogledd Cymru.
Cyng. Jim Bryan	Cyfarfod Pwyllgor Rheoli Awelon, dau gyfarfod Pwyllgor Gŵyl Rhuthun, cyfarfod Pwyllgor Gefeillio Rhuthun, cyfarfod Pwyllgor Sioe Rhuthun, cyfarfod arbennig y Cyngor a gwasanaeth Sul y Cofio ac yna agoriad swyddogol yr Ardd Gymunedol a chyfarfod yr Is-bwyllgor Staffio.
Cyng. Ken Hawkins	Gwyllo'r ffilm 'Journey's End' yn y Manorhaus a'r ffilm "Oh! What a Lovely War' yn Eglwys Sant Pedr fel rhan o ddigwyddiadau Cofeb '18, cyfarfod arbennig y Cyngor a gwasanaeth Sul y Cofio.
Cyng. John Hughes	Cyfarfod arbennig y Cyngor a gwasanaeth Sul y Cofio ac yna agoriad swyddogol yr Ardd Gymunedol.
Cyng. Menna Jones	Ymgynghoriad yn Neuadd y Dref Dinbych ynghylch Fferm Wynt Coedwig Clocaenog, cyfarfod arbennig y Cyngor a gwasanaeth Sul y Cofio ac yna agoriad swyddogol yr Ardd Gymunedol.

Cyng. Robert Owen-Ellis Cyng. Anne Roberts	Pedair sesiwn Banc Bwyd a chyfarfod arbennig y Cyngor.  Cyfarfod cyhoeddus yng Nghapel Bethania ynghylch problemau traffig Llanfwrog, cyfarfod Ymlaen Rhuthun i drafod trefniadau'r tân gwyllt a dathliadau'r Nadolig, cyfarfod Gweithgor yr Hen Lys yn y Manorhaus, arddangosfa tân gwyllt yn y Ganolfan, Llanfwrog, cyfarfod arbennig y Cyngor, cyfarfod Cymdeithas Ddinesig Rhuthun a'r Cylch, gwasanaeth Sul y Cofio ac yna agoriad swyddogol yr Ardd Gymunedol, cyfarfod yr Is-bwyllgor Staffio a Gweithdy Cyllido a drefnwyd gan Gyngor Gwasanaethau Gwirfoddol Sir Ddinbych.
Cyng. Dave Snape	Gwasanaeth Sul y Cofio ac yna agoriad swyddogol yr Ardd Gymunedol a Chyfarfod Blynyddol Cymdeithas Ddinesig Rhuthun a'r Cylch.
Cyng. Heather Williams Cyng. Ifan Wyn	Cyfarfod Gweithgor yr Hen Lys a chyfarfod arbennig y Cyngor. Cyfarfod arbennig y Cyngor, cyfarfod Pwyllgor Gefeillio Rhuthun a gwasanaeth Sul y Cofio.
Cyng. Emrys Wynne	Cyfarfod arbennig y Cyngor a gwasanaeth Sul y Cofio ac yna agoriad swyddogol yr Ardd Gymunedol.

### **131. COFNODION Y CYFARFOD CYFFREDIN BLAENOROL**

**PENDERFYNWYD:** *cadarnhau bod cofnodion y cyfarfod a gynhaliwyd ar 22 Hydref 2018 yn gywir.*

### **132. MATERION YN CODI**

Nid oedd unrhyw faterion yn codi.

### **133. COFNODION CYFARFOD ARBENNIG Y CYNGOR**

**PENDERFYNWYD:** *cadarnhau bod cofnodion Cyfarfod Arbennig y Cyngor a gynhaliwyd ar 5 Tachwedd 2018 yn gywir.*

### **134. COFNODION Y PWYLLGOR CYNLLUNIO A DATBLYGU**

Tynnodd Gadeirydd y pwyllgor sylw at eitemau o gofnodion y cyfarfod a gynhaliwyd ar 12 Tachwedd 2018.

**PENDERFYNWYD:** *derbyn cofnodion y cyfarfod a gynhaliwyd ar 12 Tachwedd 2018.*

### **135. COFNODION Y PWYLLGOR AMWYNDERAU**

Tynnodd Gadeirydd y pwyllgor sylw at eitemau o gofnodion y cyfarfod a gynhaliwyd ar 12 Tachwedd 2018.

**PENDERFYNWYD:** *derbyn cofnodion y cyfarfod a gynhaliwyd ar 12 Tachwedd 2018.*

### **136. CYFETHOL CYNGHORYDD TREF**

Roedd tri unigolyn wedi mynegi diddordeb yn y sedd wag, Mohammed Sharia Chowdhury, Sebastian Hubbard a Jabez Andrew Oakes. Cyflwynwyd cais i gynnal pleidlais ar bapur, ac eiliwyd hynny. Dosbarthwyd y papurau pleidleisio gan y Clerc a chafodd y pleidleisiau eu cyfri gan y Clerc a'u dilysu gan y cyfieithydd. Cyhoeddodd y Maer mai Jabez Andrew Oakes oedd yr ymgeisydd llwyddiannus.

**PENDERFYNWYD:** *bod Jabez Andrew Oakes wedi ei gyfethol yn briodol fel aelod o Gyngor Tref Rhuthun ac estynnwyd gwahoddiad iddo lofnodi'r datganiad derbyn y swydd, gyda'r Clerc yn dyst.*

### **137. CAIS AM GYMORTH ARIANNOL – RASUS MULOD CLWB ROTARI RHUTHUN**

Gofynnwyd i'r aelodau'n ystyried cais am gymorth ariannol o £750.00 ar gyfer Diwrnod Hwyl Rasmus Mulod Clwb Rotari Rhuthun i'w gynnal ar 15 Mehefin 2019. Croesawodd yr aelodau'r ffaith y byddai'r digwyddiad yn cael ei gynnal eleni, ond roeddynt yn teimlo bod arnynt angen rhagor o wybodaeth am y safonau iechyd a diogelwch a'r asesiadau risg ar gyfer y digwyddiad, a'r gwariant arfaethedig, cyn gwneud penderfyniad.

**PENDERFYNWYD:** gofyn am ragor o wybodaeth ac ystyried y cais yng nghyfarfod y Cyngor ym mis Rhagfyr.

### 138. ADFER CLYCHAU EGLWYS SANT PEDR

Gofynnwyd i'r aelodau ystyried llythyr gan Mrs J. Trigger, Cadeirydd a Chydlynnydd Prosiect Adfer y Clychau, ynghylch cyfraniad Cyngor Tref Rhuthun tuag at y prosiect a symud mecanwaith y cloc i'r festri. Croesawodd yr aelodau'r cynnig i symud mecanwaith rheoli'r cloc i'r festri, a fyddai'n golygu na fyddai'n ofynnol mynd i fyny'r grisiau i newid gosodiadau'r cloc.

**PENDERFYNWYD:** cytuno i adleoli mecanwaith rheoli'r cloc a chyfrannu £3,299.00 + TAW tuag at y prosiect yn unol â'r penderfyniad gwreiddiol.

### 139. DYFODOL RHUTHUN 2

Gofynnwyd i'r aelodau ystyried a mabwysiadu'r diweddariad i'r adroddiad Rhuthun: Tref Farchnad y Dyfodol, yn dilyn ymgynghoriadau Wythnos Dyfodol Rhuthun. Gadawodd y Cynghorydd Harris yr ystafell yn ystod y drafodaeth ar yr adroddiad. Pwysleisiodd yr aelodau mai dogfen weledigaeth yw hon, yn hytrach na chynigion cadarn. Yn dilyn camddehongli peth o gynnwys yr adroddiad ar safleoedd cyfryngau cymdeithasol cynigiodd yr aelodau y dylai'r Cyngor Tref Iunio Strategaeth Gyfathrebu a Pholisi Cyfryngau Cymdeithasol.

**PENDERFYNWYD:** mabwysiadu'r diweddariad i'r adroddiad Rhuthun: Tref Farchnad y Dyfodol a chynnwys Strategaeth Gyfathrebu a Pholisi Cyfryngau Cymdeithasol ar gyfer Cyngor Tref Rhuthun fel eitem agenda yng nghyfarfod nesaf y Cyngor.

### 140. NEUADD Y DREF

Gofynnwyd i'r aelodau ystyried sefydlu gweithgor i edrych ar ddefnydd cyfleusterau Neuadd y Dref.

**PENDERFYNWYD:** ystyried aelodaeth y gweithgor yn y cyfarfod nesaf.

### 141. DATGANIAD ARIANNOL

Gofynnwyd i'r aelodau gymeradwyo'r Datganiad Ariannol am y cyfnod yn diweddu 31 Hydref 2018.

**PENDERFYNWYD:** derbyn a chymeradwyo'r Datganiad Ariannol am y cyfnod yn diweddu 31 Hydref 2018.

### 142. CYFRIFON I'W TALU

**PENDERFYNWYD:** cymeradwyo talu'r eitemau a ganlyn.

100063	Cyngor ar Bopeth Sir Ddinbych	Cymorth ariannol i swyddfa CAB Rhuthun		£2,000.00
100064	Y Lleng Brydeinig	Cyfraniad tuag at waith y Lleng Brydeinig Frenhinol		£50.00
100065	Cyngor Sir Ddinbych	Tynnu'r basgedi crog o ganol tref Rhuthun	*	£405.00
100066	Fineline	250 copi o Galendr Elusennol y Maer	*	£663.19
100067	I T Williams Co. Ltd.	Cludo'r planwyr basgedi crog o Ruthun i Gorwen		
100068	Fineline	Pecyn o bapur gwyn sidan 130g	*	£29.29
100069	Llanfwrog CIC	Torri glaswellt – Tachwedd 2018		£176.13
100070	Cyng. K. Allsopp-Robson	Costau teithio i gyfarfod chwarterol Cymdeithas Cynghorau Lleol Gogledd a Chanolbarth Cymru yn y Trallwng		£42.30
100071	Boyns Information Systems Ltd	Canfod a datrys y broblem gyda'r cyfrifiadur a rhaglen amddiffyn gwrth-firws Panda	*	£90.00
100072	Cyllid a Thollau Ei Mawrhydi	Treth incwm ac Yswiriant Gwladol		£295.55
100073	Marian Rees	Cyfieithu ar y pryd yng nghyfarfodydd mis Tachwedd	*	£270.00
100074	Sandra Williams	Lluniaeth ysgafn Sul y Cofio		£19.02
100075	Hodkinson	Arolwg Adeilad Masnachol ynghyd â phrisio adfer	*	£1,800.00

100076	Mallinson Ltd Coombs Jones	yr adeilad Adroddiad diweddariad Rhuthun 2 yng ngyswllt Rhuthun: Tref Farchnad y Dyfodol		£1,200.00
100077	Fineline	500 copi o galendr elusennol y Maer	*	£1,041.42
100078	Cyng. Ian Lewney	Lwfans y Maer – ail randaliad		£600.00
100079	Connection Magazines Ltd	Dosbarthu taflen Cofeb '18 yn Rhuthun gyda chylchgrawn Clwyd Connection	*	£136.80
100080	Swyddfa Archwilio Cymru	Ffi archwilio allanol am Archwilio Cyfrifon 2017/18		£272.25
100081	Capel Pendref	Costau llifoleuadau Capel Pendref, 16.03.17 – 16.11.18		£88.14

### 143. CORFF LLYWODRAETHU YSGOL PEN BARRAS

Gofynnwyd i'r aelodau ystyried cynrychiolydd Cyngor Tref Rhuthun ar Gorff Llywodraethu Ysgol Pen Barras gan fod cyfnod swydd y Cynghorydd Robert Owen-Ellis yn dod i ben. Enwebwyd ac eiliwyd y Cynghorydd Menna Jones a chytunwyd ar hyn yn unfrydol.

**PENDERFYNWYD:** diolch i'r Cynghorydd Robert Owen-Ellis am ei gyfraniad yn cynrychioli'r Cyngor Tref ar Gorff Llywodraethu Ysgol Pen Barras am ddau gyfnod yn y swydd a hysbysu'r ysgol mai'r Cynghorydd Menna Jones fyddai ei olynydd.

### RHAN DAU

Cynigiwyd ac eiliwyd ystyried yr eitemau a ganlyn heb y wasg a'r cyhoedd yn bresennol oherwydd ei bod yn debygol y byddai gwybodaeth eithriedig yn cael ei datgelu iddynt.

### 144. YR HEN LYS

Derbyniodd yr aelodau'r cynllun busnes diwygiedig ac adroddiad yr arolwg strwythurol gan Hodkinson Mallinson Ltd, Syrfeiwyr Adeiladu Siartredig. Esboniodd y Dirprwy Faer fod y cais am Gymeradwyaeth i Fenthyca yn aros am gymeradwyaeth y Gweinidog ac y gallai gymryd pythefnos arall. Cynigiodd y dylid gofyn am estyniad i ddyddiad llofnodi'r Hysbysiad Cynnig nes bo hwn wedi'i dderbyn, gyda'r nod o gwblhau'r rhan gyntaf erbyn 14 Rhagfyr. Holwyd cwmni yswiriant y Cyngor ynghylch cost yswirio'r adeilad, a'r cyngor oedd na fyddai'n costio mwy na £500 y flwyddyn.

**PENDERFYNWYD:** gofyn am estyniad i'r cyfnod amser i lofnodi'r Hysbysiad Cynnig wrth aros am y Gymeradwyaeth i Fenthyca gan Lywodraeth Cymru i alluogi'r Cyngor Tref i fwrw ymlaen gyda phrynu'r adeilad fel yr amlinellwyd yn y cynllun busnes.

### 145. COFNODION YR IS-BWYLLGOR STAFFIO

Dosbarthwyd cofnodion yr Is-bwyllgor Staffio a gynhaliwyd ar 12 Tachwedd 2018 i'r aelodau. Amlinellwyd cyfrifoldebau'r rôl arfaethedig. Roedd yr aelodau'n awyddus i gwmni lleol fod yn gyfrifol am y gwaith cyflogres ac awgrymwyd nifer o gwmnïau cyfrifyddion lleol y gellid eu holi ynghylch darparu hyn.

**PENDERFYNWYD:** derbyn y cofnodion a threfnu cyfarfod arall yr Is-bwyllgor Staffio nos Lun, 3 Rhagfyr.

### 146. DYDDIAD Y CYFARFOD NESAF

**PENDERFYNWYD:** cadarnhau mai dyddiad y cyfarfod cyffredin nesaf fydd nos Lun, 17 Rhagfyr 2018 am 7.00pm.